

Ա. Միրզոյան

ԵՐԵՎԱՆԻ ԱՆՎԱՆ ԾԱԳՄԱՆ ՇՈՒՐՋԸ

Երևանի անվան ծագման հարցը՝ աղբյուր-
ների պակասության պատճառով, մինչև այժմ
մեր պատմագրության մեջ գիտակասող են
մեկնաբանված չէ։

Սկսած 19-րդ դարից հայ պատմագրության
մեջ փորձեր են կատարվել Երևանի անվան
ծագումը բացատրելու։

Հայ հոգևոր պատմագրությունը փորձել է
Երևանի անունը բացատրել հայկական «երե-
վալ», «երևան գալ» բառերով, կապելով այն
Նոյի՝ րիբլիական առասպելի հետ։

Ղ. Ինճիճյանն իր «Հնախոսությունն Հա-
յաստանեայց աշխարհի» աշխատության մեջ
հիմք ընդունելով «Գիրք Ծննդոց»-ը, գրում
է. «Զի մինչև ցայժմ ցուցանեն զլեառն Մա-
սիս ուր նստաւ տապանն Նոյի. ցուցանեն
գտեղին և զկողմն երևելոյ զլսոց լեռանց
ներևա՞մ կոչեցեալ, զորմէ գրի ծննդոց Ը. 5»¹։

Ղ. Ինճիճյանի և մի շարք այլ հեղինակ-
ների նման կարծիքը, որ հիմնված է Աստ-
վածաշնչի առասպելարանության վրա,
հասկանալի է, որ գիտության հետ ոչ մի
առնչություն չունի և մեր մի շարք բանա-
սերների կողմից այն վաղուց է մերժված²։

Անհիմն է նաև այն ավանդությունը, որ
իբր թե Երևանի անունը կապված է Շահ-
-խամայիլի խաներից մեկի՝ Ռևան-Ղուլի խա-
-նի անվան հետ։ Ըստ այդ ավանդության
Ռևան-Ղուլի խանը Շահ-խամայիլի հրամանով
Երևանի տեղում բերդ է կառուցել և իր ան-
վամբ էլ կոչել է Ռևան, որից էլ առաջ է
եկել Երևան անունը³։ Պատմության մեջ հայտ-

նի փաստ է, որ Շահ-խամայիլն իշխել է
16-րդ դարի 1-ին քառորդում (1502—1524),
իսկ Երևանը, որպես նշանավոր ավան հայ
պատմագրության մեջ հիշատակվում է 7-րդ
դարից⁴։

Պետք է նշել, որ այդ ավանդու-
թյունը, որպես իրողություն ընդունել է նաև
հայտնի արևելագետ ակադեմիկոս Վ. Բարտոլդը։ Նա
հավանաբար լավ ծանոթ չլինելով 7-րդ դարի
հայ պատմիչների վկայություններին, գրել
է. Երևանը որպես գյուղ հիմնադրվել է Լենկ-
թեմուրի ժամանակ, իսկ քաղաք է դարձել
միայն 16-րդ դարում, Շահ-խամայիլի օրոք
և այդ ժամանակ էլ ստացել է իր ներկա
անունը⁵։

Ոմանք էլ (Մ. Չամչյան, Հակոբ Նալյան),
կարծում են, որ Երևանի անունը կապված է
մեր թվականությունից առաջ 3-րդ դարում
Այրարատյան երկրում իշխող Երվանդյան
դինաստիայից Օրոնտես-Երվանդ թագավորի
անվան հետ, ենթադրելով, որ Երևանը դա
Երվանդյանների իշխանության աթոռանիստ
կենտրոն՝ Երվանդաշատն է, կամ էլ այդ
թագավորի անունը կրող ուրիշ դաստակերտ-
ներից մեկը⁶։ Այս ենթադրությունը ևս ան-
հիմն է, քանի որ Մովսես Խորենացու վկա-
յությունից միանգամայն պարզ է, որ Օրոն-
տես-Երվանդ թագավորը (մեր թվականու-
թյունից առաջ 3-րդ դարի վերջում կամ 2-րդ
դարի սկզբում) Արմավիրից ղեկավարում
Արաքսի ափին, մոտավորապես Արաքսի և
Ախուրյանի խառնարանում է կառուցել իր
նոր աթոռանիստ կենտրոնը՝ Երվանդաշատը,
արքունիքը Արմավիրից տեղափոխելով այդ-
տեղ։ «Սրա ժամանակ,— գրում է Խորենա-
ցին,— արքունիքը Արմավիր կոչված ըլրից
փոխադրվում է, որովհետև Երասխ գետը
(Նրանից) հեռացել էր, և ձմեռն երկարելիս,

¹ Ղ. Ինճիճյան, «Հնախոսությունն Հա-
յաստանեայց աշխարհի», հ. Ա., Վենետիկ,
1935, էջ 273—274; «Գիրք Ծննդոց», Ը. 5։

² Степан Зелинский, «Город Эри-
вань», Сборник материалов для описания
местностей и племен Кавказа». Выпуск
первый, Тифлис, 1884, стр. 1. Ղ. Ալիշան,
«Այրարատ», Վենետիկ, 1890, էջ 299; Եր-
վանդ Շահադիդ, Հին Երևանը, Երևան,
1931 թ., էջ 7։

³ Ղ. Ալիշան, «Այրարատ», Վենետիկ,
1890, էջ 300։

Տեղեկագիր 11-7

⁴ «Գիրք Թղթոց», Թիֆլիս, 1901, էջ 151։
Սերեբոս, «Պատմություն», Երևան, 1939, էջ 118։

⁵ В. Бартольд, «Историко-географиче-
ский обзор Ирана», с. Петербург, 1903,
стр. 150.

⁶ Ղ. Ալիշան, «Այրարատ», էջ 299։

երբ հյուսիսային ցուրտ բամիններ էին փր-
չում, վտակը սառչում էր բոլորովին, և թա-
ղավորական կայանի համար խմելու բավա-
կան ճուր չէր ճարվում: Սրանից երկանդը
նեղվելով, մանավանդ, մի ավելի ամուր տեղ
փնտրելով, արբունիքը տեղափոխում է գեպի
արևմտյան կողմը, միակտուր ապառաժ բլրի
վրա, որը շուրջապատում է Սրասիք, իսկ պա-
րջապից ներս շատ տեղերում բարերը կտրել
տալով իջեցնում է մինչև բլուրի հատակը,
գետի (մակերևույթին) հավասար, այնպես
որ գետից ջրերը հոսում են այդ փորված
տեղը, խմելու ջուր մատակարարելով:¹

Արեւն ոչ մի հիմք չկա նաև պնդելու, որ
Երեւանը Օրոնտես-Երվանդ թագավորի անունը
կրող երվանդականն է կամ էլ նրա անվամբ
հորջորջվող դաստակերտներից որեւէ մեկը:

Ռուս նշանավոր հնագետ Մ. Նիկոլսկին ևս
սխալվում է, երբ ենթադրում է, որ Երեւանի
անունը կապվում է ուրարտական թագավոր
Ռուսա 1-ինի (730-714 թթ. մ. թ. ա.) Սե-
վանա լճի հարավային ափին գտնվող Քյո-
լան-Ղրան (Մովինար) գյուղի մոտ թողած
սեպագիր արձանագրության մեջ 23 նվաճված
երկրների շարքում հիշատակված Երիաինի
(Eriaini) երկրի անվան հետ:²

Հստ Մ. Նիկոլսկու երիտին է կոչվել
Արաքսի ձախ ափի հովտի կենտրոնական շր-
ջանը, այժմյան Երեւանի հարթավայրը, իր
անունն ստանալով Երի (eri) ցեղի անունից,
որն ապրել է այդ երկրում: Նիկոլսկին կար-
ծում է, որ Երիաինի երկրի կենտրոնը եղել
է Երեւանը, իր վրա կրելով ամբողջ երկրի
անունը (Eriaini-Eriwan):³

Պրոֆեսոր Գր. Ղափանցյանը չնայած չի
ժխտում և հավանական է համարում, որ
Երեւան (Erewan) անունը առաջացած լինի
eri (a)+awan բառերից, որ կնշանակե «Երի-
երկիր», «Երի-տեղ» և հետագայում հայկա-
կան բառակազմությամբ դարձած լինի Երե-
վան—(Erewan), բայց խիստ պրոբլեմատիկ
է համարում, որ Երի, կամ Արի ցեղը (որի
անունով էլ նրա ապրած երկիրը կոչվել է
Երիաինի), բնակված լինի Երեւանի շրջա-

կայրում, բանի որ այդ մասին չկա ոչ մի
փաստ, բնդհակառակը, փաստերը հաստատում
են, որ երբ կամ Արի ցեղը ապրել է պատ-
մական Շիրակ զավառում, այժմյան Հենի-
նականի շրջակայքում:⁴

Եվ իրոք, մինչև այժմ հայտնաբերված
հնագիտական նյութերը և լեզվաբանական
նորագույն տվյալները չեն հաստատում
Մ. Նիկոլսկու այդ ենթադրությունը:

Արին-Երդում (Ղանլի-Թափայում) 1950 թ.
ճարտարապետ Գ. Հովհաննիսյանի կողմից
հայտնաբերված ուրարտական թագավոր Մե-
նուաի որդի Արգիշտիի (8-րդ դար մ. թ. ա.)
սեպագիր 13-տողանոց արձանագրության
բնթերցումից պարզվեց, որ Արգիշտին Արին-
Երդում կառուցել է բիրդ-քաղաք և այն
կոչել է Իրբունի (irbuni):⁵

Արգիշտիի կողմից Իրբունի քաղաքի կա-
ռուցումը մինչև հիշյալ արձանագրությունն
էլ հայտնի էր Վանում Արգիշտիի թողած
սեպագիր արձանագրություններից, ուր Ար-
գիշտին հաղորդում է Իրբունի քաղաքի կա-
ռուցման և այնտեղ 6600 զերինների տեղա-
փոխման մասին, բայց Վանի այդ արձանա-
գրության մեջ չէր հիշատակվում Իրբունի
քաղաքի վայրը:

Իրբունի քաղաքը հիշատակվում է նաև
կարմիր բլուրի պեղումներից հայտնաբեր-
ված Արգիշտիին պատկանող երեք վահան-
ների սեպագիր արձանագրություններում
(վահաններից մեկը հայտնաբերվել է 1950 թ.,
իսկ երկուսը 1951 թ.):⁶

1950-1951 թթ. Արին-Երդում և կարմիր
բլուրում հայտնաբերված հեռու արձանա-

¹ Капанцян Гр., «Историко-лингви-
стическое значение топонимики древней
Армении», Научные труды Ереванского
Гос. университета, т. I-I, 1940, стр. 320-
323.

² «Սովետական Հայաստան», 1950 թ., № 234;
Коммунист, 1950, № 235: Մ. Խաբայիյան
«Ուրարտական երկու նոր արձանագրու-
թյուն», ՀՍՍՌ ԳԱ «Տեղեկագիր», 1951 թ.,
№ 8, էջ 89-90: Նույն տեղում К. Оганесян,
«Арин-берт (Ганлы-тапа) урартская кре-
пость города Ирпуни», стр. 75-88:

1879 թ. Արին-Երդի բլրի վրա առաջին ան-
գամ հայտնաբերվել է Արգիշտիի 4 տողանոց
սեպագիր արձանագրությունը, որը հաղոր-
դում է այդ տեղում բերդի կամ աշտարակի
կառուցման մասին:

³ Կարմիր-բլուրից հայտնաբերված 3 վա-
հաններն էլ այժմ գտնվում են Հայաստանի
Պետական Պատմական թանգարանում:

⁴ Մոզես Խորենացի, «Հայոց Պատ-
մություն», աշխարհարար, Երեւան, 1940, էջ 109:
Տես նաև Հ. Մանանդյան, «Քննական տեսու-
թյուն հայ ժողովրդի պատմության», Երեւան,
1944, հ. Ա., էջ 127:

⁵ Материалы по археологии Кавказа,
т. V, стр. 97, 120-128.

⁶ Там же, стр. 97-100.

դրությունների բնթերցումից հետո, երբ հայտնի դարձավ, որ Իրրունին կառուցվել է Երևանից ոչ հեռու (մեկ կիլոմետր ղեպի հյուսիս-արևելք Երևանի Նոր-Արեշ ավանի մոտ Արին-բերդում — (Ղանլի-Թափայում), միաժամանակ նկատի ունենալով Իրրունի « Երևան քաղաքի նմանությունը, մեր մի շարք հնադեպեր, լեզվաբաններ և պատմաբաններ ենթադրեցին՝ արդյոք Երևան քաղաքը չի կարելի սերված համարել Իրրունի անունից և Իրրունին համարել հնադուրյն Երևանը:

Այդ մասին առաջին անգամ գրավոր ձևով իր ենթադրությունը հայտնեց ընկ. Մ. Իսրայելյանը: Նա գրում է. «Արդյոք հնարավոր չէ՞ Երևան անունը սերել ուրարտական *irbuni* (*Erbuni*)-ից հայտնի է, որ ուրարտական *b* հայերենում սովորաբար տալիս է *w* (վ), ինչպես *Riaina* > Վան, *ebani* > ավան, *abili* > ավել և այլն: *Irbun(i)* (*Erbuni*) > Իրվունի > Էրվունի, որ հնչողությամբ կարող է դառնալ Երևան, մանավանդ, որ ուրարտական Իրրունի քաղաքը հենց կպած է Երեւանին, իսկ հանրահայտ է, որ սովորաբար տեղանունները խիստ պահպանողական են»:¹

Չնայած Մ. Նիկոլսկին Երևան անունը չփաստարկված կերպով էր աշխատում սերել Երեւանի անունից, բայց նա դեռևս 1879 թ. ճիշտ էր նկատում, որ հնադուրյն Երևանը ոչ թե եղել է այժմյան Երևանի տեղում, այլ այժմյան Երևանից մեկ կիլոմետր ղեպի հյուսիս արևելք գտնվող Արին-բերդ (Ղանլի-Թափա) կոչվող բլրի վրա, որտեղ մինչև այժմ էլ պահպանված են ուրարտական շրջանի բերդի հետքերը:²

Պետք է հավանական համարել այն ենթադրությունը, որ Երևան անունը սերվել է Իրրունի

անունից և Իրրունի քաղաքը հնադուրյն Երևան է՝ Նամանավանդ, որ Արին-բերդում և նրա շրջակայքում 1947—1951 թթ. կատարված հնագիտական հետախույզությունները ցույց տվին, որ Արին-բերդի շուրջ ստորոտներում տարածված քաղաքը բավականին մեծ տարածություն ունի, ներառյալ այժմյան Երեւանի հարավ-արևելյան թաղամասերը:

8-րդ դարի վերջում կամ 7-րդ դարի սկզբում (մ. թ. ա.) Արին-բերդի անկումից հետո ամենայն հավանականությամբ քաղաքն աստիճանաբար հեռացել է ավերված միջնաբերդից և տարածվել է ղեպի հյուսիս-արևելք, այժմյան Երևանի տերիտորիան:

Սակայն այդ հավանական ենթադրությունը, որ Իրրունի քաղաքը հնադուրյն Երևանն է, անհրաժեշտ է հնագիտական և լեզվաբանական նոր փաստերով հանգամանորեն հիմնավորել, իսկ դրա համար անհրաժեշտ է շարունակել սխտեմատիկ պեղումները Արին-բերդում (Իրրունիում), որն, անշուշտ, նոր կարևոր փաստեր կտա և մեր համապատասխան մասնագետների լուրջ ուշադրությունը հրավիրել այդ հետաքրքիր հարցի վրա՝ մեր ռեսպուբլիկայի մայրաքաղաք Երևանի անունը գիտականորեն լուսաբանելու նպատակով:

¹ Թե ինչ իմաստ ունի Իրրունի բառը, մեր մասնագետները դեռևս չեն բացատրում նյութերի պակասության պատճառով: Այդ առթիվ Մ. Իսրայելյանը գրում է. «Քանի որ Արգիշտին բերդը կոչում է Իրրունի անունով, կարելի է ենթադրել, որ այդ բառը ուրարտական է և *irbun(i)* բառահիմքը որևէ իմաստ ունեցել է ուրարտերենում. թեև նյութերի սակավության պատճառով առայժմ դժվար է այն պարզել (Մ. Իսրայելյան «Ուրարտական երկու նոր արձանագրություն», ՀՍՍՌ ԳԱ «Տեղեկագիր», 1951, № 8, էջ 93):

² К. Оганесян, «Арин-берг (Ганлы-тапа) урартская крепость города Ириуни», стр. 75—88.

« Արին-բերդում սխտեմատիկ պեղումները սկսվել են այս տարի, 1951 թ. Հայկական ՍՍՌ Գ. ակադեմիայի թղթակից անգամ Բ. Բ. Պիոտրովսկու ղեկավարությամբ:

¹ Մ. Իսրայելյան, «Ուրարտական երկու նոր արձանագրություն», ՀՍՍՌ ԳԱ Հասարակագիտական բաժանմունքի «Տեղեկագիր», 1951, № 8, էջ 97:

² Материалы по археологии Кавказа, т. V, стр. 97—100.